



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. XLVII. De Treugis Pacis XII. annorum in oppido Lanciciensi firmatis.

urn:nbn:de:hbz:466:1-11850

bus aversus est furor eorum. Hujusmodi depopulatione terrarum & rapinâ rerum non contenti, manus suas sacrilegas & sanguine plenas ad ea ignominiosè extendunt, quæ audire abhorrent aures hominis Christiani, non parcentes Sacerdotibus, non monachis, non monialibus, non reclusis. O gens impia, gens crudelis, tigride tigridior, leone leonior, & latia severior, quæ nec Dominum timet, nec hominem reveretur, quæ nec formidat manus sacrilegas mittere in Christos Domini, quam nec clericalis dignitas, nec sacerdotalis unitio, nec districti terror judicii ab ausibus cohibet tam nefandis. O dolor! o nefas! o dedecus perniciosum! ab hujusmodi deterrimis hominibus ex omni nationum spurcissima fece congregatis Christiana religio talem ac tantam debet sentire ruinam, & non est in orbe qui impedit & resistat. Refriguit enim caritas, servet iniquitas pace peremptâ, justitiâ perditâ, concordiâ fugiente. Hinc velut per solis Ecclipsin mundi status tranquillus tenebrescit, tenebratus affligitur, afflictus distractus, distractus destruitur incessanter.

CAP. XLVII.

Treugis Pacis XII. annorum in oppido Lanciciensi firmatis.

Cum igitur filii maledictionis cuncta An. Dn. 1433. in districtu Pomeraniae taliter devastassent, visum est parti utriue fœdus pacis inire. Ponuntur itaque treugæ ante castrum (a) Gesnitz, quod per ipsos Polonus & Hussitas eadem die sive Dominica ante Festum exaltationis S. Crucis expugnatum & exstum erat, ad usque Festum S. Andreæ Apostoli proximè tunc futurum sub ea conditione, quod eodem die S. Andreæ partis utriusque Consiliarii cum pleno mandato constitui deberent in

LII

oppi-

oppido Brestensi pro ulterioribus treugis, aut si commodè fieri posset pro pace perpetuâ tractandâ. Rursum cum prædictæ partes in præfato oppido constitutæ, ibidem nec pro pace perpetuâ, neque ulterioribus treugis concludere potuissent, & absque fine debito recessissent, decretum est per nostrates, ut adhuc iteratâ vice cum eis in oppido Lanciciensi convenienterent, ad quod ex parte Ordinis VII. duntaxat personæ, scilicet duo Com mendatores, duo milites, & duo Burgimagistri de Civitatibus deputati, cum pleno mandato mitrebantur, qui in dicto oppido Lanciciæ post plures & diversos hinc inde tractatus cum parte adversa ad hoc finaliter pervenerunt. Qui inter Regnum ac Ordinem & terras partibus utrisque subjectas, nec non adhærentes ipsorum (b) treugæ pacis 12. annorum firmiter stare deberent, ita quod textus habet, pars quælibet tempore treugarum hujusmodi apud limites suos ab antiquo signatos ac tentos armorum permanere deberent, quoties eis visum fuerit pro pace perpetua practicanda. Hoc tamen adjecto, quod neutra partium ad cuiuscunque hominis, etiam si populi, Imperiali vel Regali dignitate præfulgeat suggestionem consilium vel mandatum pacem illam publicè vel occultè violare debebit, quoque partium quælibet suis subditis præstabit literas. Quod si una pars alterius verarum fremitus movere voluerit, subditi ejusdem partis bella movere volentis ei in hoc consentire non debeant vel parere.

ANIMADVERSIONES.

(a) Jasenicia arx non procul à Bromberga *Vid. Salom. Neugeb. lib. 5. Hist. Polon. pag. 293.*

(b) Induciaæ hæ sunt. Pax verò perpetua inita est post obitum Vladislai Jagellonis sub Vladislao Jagellonide An. 1436. cuius capita vide apud Schuzium l. 3. Cbron. Pruss. fol. 127. b. seq. Salomon Negebauer lib. 5. *Hist. Polon. in Vladislao Jagellonide pag. 302. seq.* Integra illa Pacta habentur in Privilegiis Prussiae Ducalis fol. 6. seqq. Joh. Januszovium lib. 7. *Constitutionum Regni Poloniae.*

CAP.

